

MISSÆ PROPRIÆ DIOCESES LINCIENSIS

Die 8 Decembris
IN CONCEPTIONE
IMMACULATA B. M. V.
TITULARIS
ECCLESIAE CATHEDRALIS
Duplex I classis
cum Octava communi
In Festo et per Octavam omnia
ut in Missali.

Die 8 Januarii
S. SEVERINI ABBATIS
COMPATRONI
PRINCIPALIS DICECESIS
Duplex I classis
Missa Os justi, de Communi Ab-
batum.
Et fit Com. Octavæ Epiphaniæ,
ut in Missali, ac dicitur Credo et
Præfatio et Communicantes de
Epiphania, ratione ejusdem Oc-
tavæ.

Die 15 Martii
SANCTI CLEMENTIS
MARIÆ HOFBAUER CONF.
Duplex
Missa Justus, de Communi Conf.
non Pont. 2 loco, præter Oratio-
nes sequentes:

¹ Missæ propr. Diœc. Lincien.

Oratio P

Deus, qui beátum Cleméntem
Mariam miro fidei róbore et
invictæ constántiæ virtúte deco-
rásti: ejus méritis et exémplis fac
nos, quæsumus, ita fortes in fide
et caritáte fervéntes; ut præmia
consequámur ætérrna. Per Dómi-
num nostrum.

Et, in Missis non conventionalibus,
fit Com. Feriæ, et de ea legitur Ev-
angelium in fine, juxta Rubricas.

Secreta P

Ille nos, quæsumus, Dómine, de-
votiónis ignis accéndat: quo
beátus Clemens María, dum sa-
lutárem offérret hóstiam, júgiter
flagrávit. Per Dóminum.

Postcommunio P

Caelésti pane reféctis concéde
nobis, omnípotens Deus: ut
beáti Cleméntis exémplo in forti-
tudine cibi illius usque ad mon-
tem, qui Christus est, feliciter
perveniámus: Qui tecum vivit.

¶ Missæ privatæ dici possunt,
juxta Rubricas, etiam de Feria,
cum Commemoratione S. Cle-
mentis Mariæ Hofbauer.

Festa Martii (27)

Die 27 Martii
S. RUPERTI EP. ET CONF.

Duplex

Missa Státuit, de Communi Confessoris Pontificis 1 loco, præter Orationem sequentem:

Oratio P

Propitiáre, quæsumus, Dómine, nobis fámulis tuis per sancti Rupérti Confessóris tui atque Pontificis mérita gloriósa: ut, ejus pia intercessióne, ab ómnibus protegámur advérsis. Per Dóminum nostrum.

Et fit Commemoratio S. Joannis Damasceni Conf. et Eccl. Doct.:

Oratio

Omnípotens sempitérne Deus, qui, ad cultum sacrárum imáginum asseréndum, beátum Joánnem cælesti doctrina et admirábili spíritus fortitúdine imbúisti: concéde nobis ejus intercessióne et exémplo; ut, quorum cólimus imágines, virtútes imitémur et patrocinia sentiámus. (Per Dóminum nostrum.)

Deinde, in Quadragesima, Com. Feriæ in Missis non conventionalibus, juxta Rubricas.

Credo, ratione Commemoratio-nis S. Doctoris.

Secreta C

Sancti tui, quæsumus, Dómine, nos ubique lætíficent: ut, dum eórum mérita recólimus, patrocinia sentiámus. Per Dóminum.

Pro S. Joanne Damasceno
Secreta

Ut, quæ tibi, Dómine, offérimus, dona tuo sint digna conspéctu: beáti Joánnis et Sanctórum, quos ejus ópera expósitos in templis cólimus, pia suffragátio conspi-ret. (Per Dóminum nostrum.)

Deinde, in Quadragesima, Com. Feriæ, ut supra.

Postcommunio C

Præsta, quæsumus, omnípotens Deus: ut, de percéptis munéribus grátias exhibéntes, intercé-dente beáto Rupérto Confessóre tuo atque Pontífice, benefícia potiéra sumámus. Per Dóminum nostrum.

Pro S. Joanne Damasceno
Postcommunio

Sumpta nos, quæsumus, Dómine, dona cælestibus armis tueántur: et beáti Joánnis patrocínia circúmdent Sanctórum unánimi suf-frágio cumuláta; quorum imágines evícit in Ecclésia esse vene-randas. (Per Dóminum nostrum.)

Deinde, in Quadragesima, Com. Feriæ, utsupra, et de ea legitur Ev-angelium in fine, juxta Rubricas.

JMissæ privatæ dici possunt et iam, juxta Rubricas, vel de S. Joanne Damasceno, ut in Missali hac die, cum Commemoratione S. Ruperti et, in Quadragesima, Feriæ, de qua tunc legitur Ev-

Festa Martii (28), Aprilis (20, 29) et Maji (4)

3*

angelium in fine; vel, in Quadragesima, de Feria, cum Commemoratione S. Ruperti ac S. Joannis Damasceni.

Die 28 Martii
S. JOANNIS A CAPISTRANO
CONFESSORIS

Duplex

Missa Ego autem, ut in Missali
hac die.

Die 20 Aprilis
S. CONRADI A PARZHAM
CONFESSORIS

Duplex

Missa Os justi, de Communi Confessoris non Pontificis 1 loco,
præter Orationes sequentes:

Oratio P

Deus, qui misericordiæ tuæ jánuam fidélibus patére voluisti: te súpplices exorámus; ut, intercedénte beáto Conrádo Confessore tuo, temporália subsidia nobis tribuas et ætérrna. Per Dóminum nostrum.

Secreta P

O blatiónes nostras tibi, Dómine, quæsumus, beáti Conrádi intercéssio veneránta coméndet: quem coram tuis altáribus precántem supernórum charismatum dulcédine recreásti. Per Dóminum nostrum.

Postcommunio P

Súmpsimus, Dómine, tua sancta, beáti Conrádi mérita recoléntes: præsta, quæsumus; ut ejus semper et præcláro proficiamus exémplo et fidéli muniámur auxilio. Per Dóminum.

Die 29 Aprilis
IN DEDICATIONE
ECCLESIAE CATHEDRALIS

Duplex I classis
cum Octava communi

Missa Terribilis, de Communi Dedicationis Ecclesiæ.

Et, in Missis privatis tantum, fit Commemoratio S. Petri Mart., ut in Missali hac die.

Et dicitur Credo per totam Octavam.

Die 4 Maji
S. FLORIANI MARTYRIS
PATR. MINUS PRINCIPAL.
AUSTRIÆ SUPERIORIS

Duplex II classis

Missa Protexisti, de Communi Martyrum Temp. Pasch. 1 loco, cum Orationibus 3 loco positis.

Et fit Commemoratio S. Monicæ Viduæ, ut in Missali hac die, ac dicitur Credo, ratione Octavæ Dedicationis Eccl. Cathedralis.

¶ Pro votiva extra Tempus Paschale dicitur Missa In virtúte, de Communi unius Martyris 3 loco.

Die 6 Maji
IN OCTAVA
DEDICATIONIS ECCLESIAE
CATHEDRALIS

Duplex majus

Missa Terribilis, ut in Festo.
Et fit Commemoratio S. Joannis Ap. et Ev. ante portam Latinam, ut in Missali hac die, ac legitur ejusdem Evangelium in fine.

J Missæ privatæ dici possunt, juxta Rubricas, etiam de S. Joanne Ap. et Ev. ante portam Latinam, ut in Missali hac die, cum Commemoratione diei Octavæ Dedicationis Ecclesiæ Cathedralis.

Die 16 Maji
S. JOANNIS NEPOMUCENI
MARTYRIS

Duplex

Introitus Ps. 63, 3

PROTEXISTI me, Deus, a convéntu malignántium, allelúja: a multitúdine operántium iniquitátem, allelúja, allelúja. **Ps. ibid., 2** Exáudi, Deus, oratióne meam cum déprecor: a timóre inimíci éripe ánimam meam. **V.** Glória Patri.

Oratio

Deus, qui ob invictum beáti Joánnis sacramentálē silén-tium nova Ecclésiam tuam martyrii coróna decorásti: da nobis

ejus intercessióne et exémplo, linguam caute custodíre, ac ómnia pótius mala, quam ánimæ detriméntum in hoc sǽculo tole-ráre. Per Dóminum nostrum.

Et fit Commemoratio S. Ubaldi Ep. et Conf.:

Oratio

Auxílium tuum nobis, Dómine, quæsumus, placátus impénde: et, intercessióne beáti Ubáldi Confessóris tui atque Pontíficis, contra omnes diáboli nequítias déx-teram super nos tuæ propitia-tiónis exténde. Per Dóminum.

Léctio libri Sapiéntiæ
Sap. 5, 1-5

Stabunt justi in magna constán-tia advérsus eos, qui se angu-stiavérunt et qui abstulérunt labóres eórum. Vidéntes turbabún-tur timóre horribili, et mirabúntur in subitatióne insperátæ salútis, dicéntes intra se, pæniténtiam agéntes, et præ angústia spíritus geméntes: Hi sunt, quos habuí-mus aliquándo in derísum, et in similitúdinem impropérii. Nos insensáti vitam illórum æstimabá-mus insániam, et finem illórum sine honóre: ecce, quómodo computáti sunt inter filios Dei, et inter Sanctos sors illórum est.

Allelúja, allelúja. **V. Ps. 88, 6**
Confitebúntur cæli mirabilia tua,
Dómine: étenim veritátem tuam

Festa Maij (16)

5*

in ecclésia sanctórum. Allelúja.
¶ Ps. 20, 4 Posuísti, Dómine,
super caput ejus corónam de lá-
pide pretióso. Allelúja.

H Sequéntia sancti Evangélii
secúndum Matthæum
Matth. 10, 26-32

In illo témpore: Dixit Jesus dis-
cipulis suis: Nihil est opértum,
quod non revelábitur; et occút-
tum, quod non sciétur. Quod dico
vobis in ténebris, dicite in lúmine:
et quod in aure audítis, prædicáte
super tecta. Et nolite timére eos,
qui occídunt corpus, ánimam au-
tem non possunt occídere; sed
pótius timéte eum, qui potest et
ánimam et corpus pérdere in ge-
hennam. Nonne duo pásseres as-
se véneunt: et unus ex illis non
cadet super terram sine Patre
vestro? Vestri autem capilli cápi-
tis omnes numeráti sunt. Nolite
ergo timére: multis passéribus
melióres estis vos. Omnis ergo,
qui confitébitur me coram homí-
nibus, confitébor et ego eum co-
ram Patre meo, qui in cælis est.

Offertorium Ps. 88, 6

Confitebúntur cæli mirabília tua,
Dómine: et veritátem tuam in ec-
clésia sanctórum, allelúja, alle-
lúja.

Secreta

Per hæc tua, Dómine, sacra my-
stéria illo nos caritátis igne
accendámur: quo inclytus Martyr

Joánnes, éadem peragéndo, fla-
grábat. Per Dóminum.

Pro S. Ubaldo

Secreta

Sancti tui, quæsumus, Dómine,
nos ubique lætificent: ut, dum
eórum mérita recólimus, patro-
cínia sentiámus. Per Dóminum.

Communio Ps. 63, 11

Lætábitur justus in Dómino, et
sperábit in eo: et laudabúntur
omnes recti corde, allelúja, alle-
lúja.

Postcommunio

Spiritum, Dómine, fortitúdinis
hæc nobis tríbuat mensa cæ-
léstis: quæ beáti Mártyris tui Jo-
ánnis pro sacraménti honóre ten-
tátam constántiam júgiter áluit
ad victóriam. Per Dóminum.

Pro S. Ubaldo

Postcommunio

Præsta, quæsumus, omnípotens
Deus: ut, de percéptis munéribus
grátias exhibéntes, intercedénte
beáto Ubáldo Confessóre tuo at-
que Pontífice, beneficia potióra
sumámus. Per Dóminum.

J Missæ privatæ dici possunt,
juxta Rubricas, etiam de S. Ubal-
do Ep. et Conf., ut in Missali hac
die, cum Commemoratione S. Jo-
annis Nepomuceni.

J Pro votiva extra Tempus Pas-
chale dicitur Missa Lætábitur, de
Communi unius Martyris 4 loco,
cum Orationibus ut supra.

Die 27 Junii
S. HEMMÆ VIDUÆ
Duplex

Introitus Ps. 15, 8-9

PROVIDEBAM Dóminum in conspéctu meo semper: quóniam a dextris est mihi, ne commóvear. Propter hoc lætátum est cor meum, et exsultávit lingua mea: insuper et caro mea requiéscet in spe. **Ps. ibid.**, 1-2 Consérva me, Dómine, quóniam sperávi in te. Dixi Dómino: Deus meus es tu, quóniam bonórum meórum non eges.

V. Glória Patri.

Oratio

Da, quás sumus, Dómine, fidélibus tuis hunc caritatis afféctum: ut sanctæ Hemmæ celebritate fervéntes, nullis implícéntur erróribus, nullis adversitátibus affligántur; sed salutáribus proficiant institútis, discant mundi contémptum, vitalibúsque præsidiis adjuvéntrur. Per Dóminum nostrum.

Et fit Commemoratio Octavæ S. Joannis:

Oratio

Deus, qui præséntem diem honórabilem nobis in beáti Joánnis nativité fecisti: da pópolis tuis spirituálium grátiam gaudiórum; et ómnium fidélium mentes dirige in viam salútis æternæ. Per Dóminum nostrum.

Deinde, si hodie fuerit Sabba-tum, in Missis non conventuali-bus fit Commemoratio Vigiliæ an-ticipatæ Ss. Petri et Pauli App., ut die sequenti notatur, et de ea legitur Evangelium in fine, juxta Rubricas.

Léctio Epístolæ beáti Pauli Apóstoli ad Timótheum

1 Tim. 5, 3-10

Caríssime: Víduas honóra, quæ vere víduæ sunt. Si qua autem vídua filios aut nepótes ha-bet, discat primum domum suam régere, et mútuam vicem réddere paréntibus: hoc enim accéptum est coram Deo. Quæ autem vere vídua est et desoláta, speret in Deum, et instet obsecratióibus et oratióibus nocte ac die. Nam quæ in deliciis est, vivens mórtua est. Et hoc præcipe, ut irrepre-hensibles sint. Si quis autem suórum, et máxime domesticórum curam non habet, fidem negávit, et est infideli detérior. Vídua eligátur non minus sexaginta an-nórum, quæ fúerit unius viri uxor, in opéribus bonis testimónium habens, si filios educávit, si ho-spítio recépit, si sanctórum pedes lavit, si tribulatióinem patiénti-bus subministrávit, si omne opus bonum subsecúta est.

Graduale Ps. 44, 3 et 5

Diffusa est grátia in lábiis tuis:
propterea benedixit te Deus in

æténum. **V.** Propter veritátem et mansuetúdinem et justitiam: et dedúcet te mirabiliter déxtera tua.

Allelúja, allelúja. **V. Ibid., 5** Spécie tua et pulchritúdine tua intén-de, próspero procéde et regna. Allelúja.

In Missis votivis post Septuage-simam, omissis Allelúja et Versu sequenti, dicitur

Tractus

Veni, Sponsa Christi, áccipe co-rónam, quam tibi Dóminus præ-parávit in æténum. **V. Ps. 44, 8** et 5 Dilexisti justitiam, et odisti iniquitátem: propterea unxit te Deus, Deus tuus, óleo lætitiæ præ consórtibus tuis. **V.** Spécie tua et pulchritúdine tua intén-de, próspero procéde et regna.

Tempore autem Paschali omitti-tur Graduale, et ejus loco dicitur:

Allelúja, allelúja. **V. Ps. 44, 5** Spécie tua et pulchritúdine tua intén-de, próspero procéde et regna. Allelúja. **V.** Propter veritátem et mansuetúdinem et justitiam: et dedúcet te mirabiliter déxtera tua. Allelúja.

 Sequéntia sancti Evangélii secúndum Mattháeum

Matth. 19, 16-26

In illo témpore: Accédens unus ad Jesum, ait illi: Magíster bo-ne, quid boni fáciam, ut hábeam

vitam æténam? Qui dixit ei: Quid me intérrogas de bono? Unus est bonus, Deus. Si autem vis ad vi-tam ingredi, serva mandáta. Dicit illi: Quæ? Jesus autem dixit: Non homicidium fácies, non adulterábis, non fácies furtum, non falsum testimónium dices, honóra pa-trem tuum et matrem tuam, et di-liges próximum tuum sicut teíp-sum. Dicit illi aduléscens: Omnia hæc custodívi a juventúte mea; quid adhuc mihi deest? Ait illi Jesus: Si vis perféctus esse, vade, vende quæ habes et da paupéri-bus et habébis thesáurum in cælo, et veni, séquere me. Cum audísset autem aduléscens verbum, ábiit tristis: erat enim habens multas possessiónes. Jesus au-tem dixit discípulis suis: Amen, dico vobis, quia dives difficile intrábit in regnum cælórum. Et iterum dico vobis, facilius est ca-mélum per forámen acus trans-ire, quam divitem intráre in regnum cælórum. Audítis autem his, discípuli mirabántur valde di-céntes: Quis ergo póterit salvus esse? Aspiciens autem Jesus di-xit illis: Apud hómines hoc impos-sibile est; apud Deum autem ómnia possibilia sunt.

Offertorium Ps. 15, 6

Funes cecidérunt mihi in præcláris: étenim heréditas mea præ-clára est mihi.

Secreta

Ascéndant ad te, Dómine, preces nostræ, et tuórum vota fidélium múnera suppliciter oblata concílent: quod, etiámsi nostris opéribus non merémur, beátæ Hemmæ, quæsumus, intercessióne mereámur. Per Dóminum.

**Pro Octava S. Joannis
Secreta**

Tua, Dómine, munéribus altária cumulámus: illius nativitátem honóre débito celebrántes, qui Salvatorem mundi et cécinit adfutúrum et adésse monstrávit, Dóminum nostrum Jesum Christum, Filium tuum: Qui tecum vivit.

Communio Ps. 15, 11

Notas mihi fecisti vias vitæ, adimplébis me lætitia cum vultu tuo: delectatiónes in déxtera tua usque in finem.

Postcommunio

Quæsumus, virtútum cælestium Deus: ut sacrificia pro sanctæ Hemmæ sollemnitáte oblata; desideriorum nos temporálium dóceant habére contémptum, et ambire dona fácient cælestium gaudiórum. Per Dóminum.

**Pro Octava S. Joannis
Postcommunio**

Sumat Ecclésia tua, Deus, beáti Joánnis Baptistæ generatióne lætitiam: per quem suæ regeneratiónis cognóvit auctórem, Dómi-

num nostrum Jesum Christum, Filium tuum: Qui tecum vivit.

Die 27 Julii

**B. BERTHOLDI ABBATIS
Duplex**

Missa Os justi, de Communi Abbatum, præter Orationes sequentes:

Oratio

P

Deus, qui beátum Bertholdum Abbátem virtútibus et miraculis gloriósum effecísti: da nobis ejus patrocínio salútem mentis et corporis; ut, ipsius exémpla dévôte sequéntes, a malis ómnibus liberáti, ad te pervenire mereámur. Per Dóminum nostrum.

Et fit Commemoratio S. Pantaleonis Mart.:

Oratio

Præsta, quæsumus, omnipotens Deus: ut, intercedénte beáto Pantaleóne Mártyre tuo, et a cunctis adversitatibus liberémur in corpore, et a pravis cogitatióibus mundémur in mente. Per Dóminum nostrum.

Secreta

P

Hæc hóstia salutáris, quæsumus, Dómine, pietatis tuæ cleméntia nobis proficiat ad salutem: et per eam, interveniente beáto Bertholdo Abbáte, ad visionem gloriæ tuæ pervenire concédas. Per Dóminum nostrum.

Pro S. Pantaleone
Secreta

9*

Accépta sit in conspéctu tuo, Dómine, nostra devótio: et ejus nobis fiat supplicatióne salutáris, pro cuius sollemnitáte defértur. Per Dóminum nostrum.

Postcommunio P

S umptis, Dómine, spirituálibus aliméntis, quæsumus cleméntiam tuam: ut, interveniente beáto Berthólido Abbáte, peccatórum nostrórum víncula solvas; et a cunctis periculis expeditos ad cælestia regna perdúcas. Per Dóminum nostrum.

Pro S. Pantaleone
Postcommunio

Refécti participatióne múnéris sacri, quæsumus, Dómine, Deus noster: ut, cuius exséquimur cultum, intercedénte beáto Pantaleóne Mártyre tuo, sentiámus efféctum. Per Dóminum.

Die 8 Augusti

S. ALTMANNI
EPISCOPI ET CONF.

Duplex majus

Introitus Eccli. 45, 30

S TATUIT ei Dóminus testamento pacis, et principem fecit eum: ut sit illi sacerdóti dignitas in ætérnum. Ps. 131, 1 Meménto, Dómine, David: et omnis mansuetúdinis ejus.

V. Glória Patri.

Oratio

D eus, qui ad Ecclésiæ tuæ libertátem et decórem promovéndum sanctum Altmánnum Confessórem tuum atque Pontificem ánni fortitúdine roborásti: ejus intercessióne concéde; ut, advérsa ómnia superántes in terris, coronári cum ipso mereámur in cælis. Per Dóminum nostrum Jesum Christum, Fílium tuum: Qui tecum vivit et regnat.

Et fit Commemoratio Ss. Cyriaci, Largi et Smaragdi Mm.:

Oratio

Deus, qui nos ánnua sanctórum Mártyrum tuórum Cyriaci, Largi et Smarágdi sollemnitáte lætificas: concéde propítius; ut, quorum natalitia cólimus, virtútem quoque passiónis imitémur. Per Dóminum nostrum.

Deinde, si hodie fuerit Sabbatum, in Missis non conventionalibus fit Commemoratio Vigiliæ anticipatæ S. Laurentii, ut sequenti die notatur, et de ea legitur Evangelium in fine, juxta Rubricas.

Léctio libri Sapiéntiæ

Eccli. 44, 16-27 et 45, 3-20

Ecce sacérdos magnus, qui in diébus suis pláciuit Deo, et invéntus est justus: et in tempore iracundiæ factus est reconciliatio. Non est invéntus similis illi, qui conservávit legem Excélsi.

Ideo jurejurando fecit illum Dóminus crèscere in plebem suam. Benedictiōnem ómnium géntium dedit illi, et testaméntum suum confirmávit super caput ejus. Agnóvit eum in benedictiōibus suis: conservávit illi misericórdiam suam: et invénit grátiam coram óculis Dómini. Magnificávit eum in conspéctu regum: et dedit illi corónam gloriæ. Státuit illi testaméntum ætérnum, et dedit illi sacerdótium magnum: et beatificávit illum in glória. Fungi sacerdótio, et habére laudem in nómine ipsius, et offérre illi incénum dignum in odórem suavitatis.

Graduale Eccli. 44, 16

Ecce sacérdos magnus, qui in diébus suis plácuit Deo. **V. Ibid., 20** Non est invéntus similis illi, qui conserváret legem Excélsi.

Allelúja, allelúja. **V. Ps. 109, 4**
Tu es sacérdos in ætérnum, secúndum órdinem Melchisedech.
Allelúja.

 Sequéntia sancti Evangélii secúndum Mattháeum
Matth. 24, 42-47

In illo témpore: Dixit Jesus discipulis suis: Vigiláte, quia ne scitis qua hora Dóminus vester ventúrus sit. Illud autem scítote, quóniam, si sciret paterfamilias, qua hora fur ventúrus esset, vigi-

láret útique, et non sineret pér fodi domum suam. Ideo et vos estóte paráti: quia qua nescitis hora, Filius hóminis ventúrus est. Quis, putas, est fidélis servus et prudens, quem constituit dómīnus suus super familiam suam, ut det illis cibum in témpore? Beá- tus ille servus, quem, cum vénerit dómīnus ejus, invénerit sic faciéntem. Amen, dico vobis, quóniam super ómnia bona sua consti- tuet eum.

Offertorium Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brá- chium meum confortábit eum.

Secreta

Sancti tui, quásumus, Dómine, nos ubique lætificent: ut, dum eórum mérita recólimus, patroci- nia sentiámus. Per Dóminum.

Pro Ss. Martyribus

Secreta

Accépta sit in conspéctu tuo, Dó- mine, nostra devótio: et eórum nobis fiat supplicatiōne salutáris, pro quorum sollemnitáte defér- tur. Per Dóminum nostrum.

Communio Luc. 12, 42

Fidélis servus et prudens, quem constituit dómīnus super familiam suam: ut det illis in témpore trítici mensúram.

Præsta, quæsumus, omnipotens Deus: ut, de percéptis munéribus grátias exhibéntes, intercedénte beáto Altmánno Confessóre tuo atque Pontifice, benefícia potióra sumámus. Per Dómum nostrum.

Pro Ss. Martyribus
Postcommunio

Refécti participatióne múnéris sacri, quæsumus, Dómine, Deus noster: ut, cujus exséquimur cultum, intercedéntibus sanctis Martýribus tuis Cyríaco, Largo et Smarágdo, sentiámus effectum. Per Dóminum nostrum.

J Missæ privatæ dici possunt, juxta Rubricas, etiam de Ss. Cyriaco, Largo et Smaragdo Martýribus, ut in Missali hac die, cum Commemoratione S. Altmanni.

Die 12 Septembris
SSMI NOMINIS MARIAE

Duplex II classis

Omnia ut in Missali hac die.

Die 13 Septembris
B. NOTBURGÆ VIRGINIS

Duplex

Missa Dilexisti, de Communi Virginum 3 loco, præter Oratio-nes sequentes:

Oratio **P**ræténde, Dómine, fidélibus tuis déxteram cælestis auxili: ut méritis et exémplo beátæ Notbúrgæ Virginis te toto corde perquirant; et quæ digne póstulant, cónsequi mereántur. Per Dómum nostrum.

Secreta **P**æléstem nobis præbeant hæc mystéria, quæsumus, Dómine, medicinam: et, intercedénte beáta Notbúrga Virgine tua, vitiæ nostri cordis expúrgent. Per Dóminum nostrum.

Postcommunio **P**auxiliéntur nobis, Dómine, sumpta mystéria: et, intercedénte beáta Notbúrga Virgine tua, sempitérna protectiōne confirment. Per Dóminum.

Die 17 Septembris
S. HILDEGARDIS
VIRGINIS

Duplex

Introitus Ps. 72, 28

MIHI autem adhærére Deo bonum est, pónere in Dómino spem meam: ut annúntiem omnes prædicationes tuas in portis filiæ Sion. Ps. 40, 13 Me autem propter innocéntiam suscepisti: et confirmásti me in conspéctu tuo in ætérnum.
V. Glória Patri.

Oratio

Deus, qui beátam Hildegárdem Virginem tuam donis cælestibus decorásti: tríbue, quæsumus; ut, ejus vestigiis et documentis insisténtes, a præséntis sæculi caligine ad lucem tuam delectabilem transire mereámur. Per Dóminum nostrum.

Et fit Commemoratio Impressio-nis Ss. Stigmatum S. Francisci Conf.:

Oratio

Dómine Jesu Christe, qui, frigescénte mundo, ad inflammándum corda nostra tui amoris igne, in carne beatissimi Francisci passiónis tuæ sacra Stigmata renovásti: concéde propítius; ut ejus méritis et præcibus crucem júgiter ferámus, et dignos fructus pænitentiæ faciámus: Qui vivis et regnas.

Léctio Epistolæ beáti Pauli Apóstoli ad Corinthios

1 Cor. 1, 26-29

Vidéte vocatióinem vestram, fratres, quia non multi sapiéntes secúndum carnem, non multi poténtes, non multi nóbiles: sed quæ stulta sunt mundi élégit Deus, ut confúndat sapiéntes: et infírma mundi élégit Deus, ut confúndat fórtia: et ignobilia mundi et contemptibilia élégit Deus, et ea quæ non sunt, ut ea quæ sunt destrúeret: ut non glo-

riétur omnis caro in conspéctu ejus.

Graduale Cantic. 3, 4 et 6, 2

Invéni quem díligit ánima mea: ténui eum, nec dimittam. **V.** Ego dilécto meo, et diléctus meus mihi, qui páscitur inter lilia.

Allelúja, allelúja. **V.** Isai. 61, 10
Exsultábit ánima mea in Deo meo, quia induit me vestiméntis salútis, quasi sponsam ornátam monílibus suis. Allelúja.

In Missis votivis post Septuagesi-mam, omissis Allelúja et Versu sequenti, dicitur

Tractus Sap. 4, 1-3

O quam pulchra est casta generá-tio cum claritaté: immortális est enim memória illius, quóniam et apud Deum nota est, et apud hó-mines. **V.** Cum præsens est, imi-tántur illam, et desiderant eam, cum se edúxerit. **V.** Et in perpé-tuum coronáta triúmphat, inco-quinatórum certáminum præmia vincens.

Tempore autem Paschali omitti-tur Graduale, et ejus loco dicitur:

Allelúja, allelúja. **V.** Ps. 30, 22
Benedictus Dóminus: quóniam mirificávit misericórdiam suam mihi in civitáte munita. Allelúja. **V.** Prov. 4, 9 Lætare, mater nostra, quia dabit Dóminus cápti tuo augménta gratiárum, et coróna inclyta próteget te. Allelúja.

H Sequéntia sancti Evangélii secúndum Mattháeum
Matth. 25, 1-13

In illo témpore: Dixit Jesus discípulis suis parábola hanc: Si-mile erit regnum cælórum decem virginibus: quæ, accipiéntes lámpades suas, exiérunt óbviā sponso et sponsæ. Quinque autem ex eis erant fátuæ, et quinque prudéntes: sed quinque fátuæ, ac-céptis lampádibus, non sumpsé-runt óleum secum: prudéntes vero accepérunt óleum in vasis suis cum lampádibus. Moram autem faciénte sponso, dormitavé-runt omnes et dormiérunt. Média autem nocte clamor factus est: Ecce, sponsus venit, exite ób-viam ei. Tunc surrexérunt omnes vírgines illæ, et ornavérunt lámpades suas. Fátuæ autem sapién-tibus dixérunt: Date nobis de óleo vestro: quia lámpades nostræ extinguúntur. Respondé-runt prudéntes, dicéntes: Ne forte non sufficiat nobis et vobis, ite pótius ad vendéntes, et émite vobis. Dum autem irent émere, ve-nit sponsus: et quæ parátæ erant, intravérunt cum eo ad núptias, et clausa est jánua. Novíssime vero véniant et réliquæ vírgenes, dicéntes: Dómine, Dómine, áperi nobis. At ille respóndens, ait: Amen, dico vobis, néscio vos. Vi-giláte itaque, quia nescítis diem neque horam.

Offertorium Ps. 41, 2 et 3

Quemádmodum desiderat cervus ad fontes aquárum, ita desiderat áнима mea ad te, Deus. Sitívit áнима mea ad Deum fortē vi-vum.

Secreta

Sanctæ Hildegárdis Virginis tuæ festa recoléntes, preces offéri-mus et hóstias immolámus: præsta, quæsumus, Dómine; ut, cum præsídio temporáli, vitæ nobis præbeant incremēta perpétuæ. Per Dóminum nostrum.

Pro Impressione Ss. Stigmatum S. Francisci Secreta

Múnera tibi, Dómine, dicáta sanctífica: et, intercedénte beáto Francíscu, ab omni nos culpá-rum labe purífica. Per Dómi-num nostrum.

Communio Philipp. 1, 20 et 21

Magnificábitur Christus in córpore meo, sive per vitam, sive per mortem: mihi enim vivere Chri-stus est, et mori lucrum.

Postcommunio

Perpétuo, Dómine, favóre pro-séquere, quos réficiis divino mystério: et quos imbuísti cælé-stibus institútis, eósdem, interce-dénte beáta Hildegárde Virgine tua, salutáribus comitáre solátiis. Per Dóminum nostrum Jesum Christum, Filium tuum: Qui te-cum vivit et regnat.

**Pro Impressione Ss. Stigmatum
S. Francisci Postcommunio**
Deus, qui mira Crucis mysté-
ria in beáto Francisco Confes-
sóre tuo multifórmiter demon-
strásti: da nobis, quæsumus; de-
votiónis suæ semper exémpla
sectári, et assídua ejúsdem Cru-
cis meditatióne muníri. Per Dó-
minum nostrum.

J Missæ privatæ dici possunt,
juxta Rubricas, etiam de Impres-
sione Ss. Stigmatum S. Francisci
Conf., ut in Missali hac die, cum
Commemoratione S. Hildegardis.

Die 25 Septembris
S. NICOLAI DE FLÜE
EREMITÆ ET CONF.

Duplex

Introitus Ps. 36, 30-31

OS justi meditábitur sa-
piéntiam, et lingua ejus
loquétur judicium: lex
Dei ejus in corde ipsius. **Ps. ibid.,**
1 Noli æmulári in malignántibus:
neque zeláveris faciéntes iniqui-
tatem.

V. Glória Patri.

Oratio

Deus, qui beátum Nicoláum
Eremítam, Angelórum esca
mirabiliter nutrire, ac donis cælé-
stibus cumuláre voluisti: concé-
de, quæsumus; ut ejus interces-
sione Dominicum corpus digne-

súmere in terris, et gloriósum
conspicere mereámur in cælis.
Per eúndem Dóminum.

Léctio libri Sapiéntiæ
Eccli. 31, 8-11

Béatus vir, qui invéntus est sine
mácula, et qui post aurum
non ábiit, nec sperávit in pecúnia
et thesáuris. Quis est hic, et lau-
dábimus eum? fecit enim mirabí-
lia in vita sua. Qui probátus est in
illo, et perféctus est, erit illi glória
ætéerna: qui pótuit tránsgredi, et
non est transgréssus: fácere ma-
la, et non fecit: ideo stabilita sunt
bona illius in Dómino, et eleemó-
synas illius enarrábit omnis ecclé-
sia sanctórum.

Graduale Ps. 91, 13 et 14

Justus ut palma florébit: sicut ce-
drus Libani multiplicábitur in do-
mo Dómini. **V. Ibid., 3** Ad annun-
tiandum mane misericórdiam tu-
am, et veritátem tuam per noc-
tem.

Allelúja, allelúja. **V. Jac. 1, 12**
Beátorus vir, qui suffert tentatió-
nem: quóniam, cum probátus füe-
rit, accípiet corónam vitæ. Alle-
lúja.

H Sequéntia sancti Evangélii
secúndum Mattháeum
Matth. 19, 27-29

In illo témpore: Dixit Petrus ad
Jesum: Ecce, nos reliquimus
ómnia, et secúti sumus te: quid

ergo erit nobis? Jesus autem dixit illis: Amen, dico vobis, quod vos, qui secuti estis me, in regeneratione, cum se derit Filius hominis in sede majestatis sue, sedebitis et vos super sedes duodecim, iudicantes duodecim tribus Israel. Et omnis, qui reliquerit domum, vel fratres, aut sorores, aut patrem, aut matrem, aut uxorem, aut filios, aut agros, propter nomen meum, centuplum accipiet, et vitam aeternam possidet.

Offertorium Ps. 88, 25

Véritas mea et misericordia mea cum ipso: et in nomine meo exaltabitur cornu ejus.

Secreta

Laudis tibi, Dómine, hóstias imolámus in tuorum commemoratione Sanctórum: quibus nos et præsentibus exui malis confidimus et futuris. Per Dóminum nostrum.

Communio Matth. 24, 46-47

Beatus servus, quem, cum venerit dominus, invenerit vigilantem: amen, dico vobis, super omnia bona sua constituet eum.

Postcommunio

Refecti cibo potuque caelesti, Deus noster, te supplices exoramus: ut, in cuius haec commemoratione percipimus, ejus muniamur et precibus. Per Dóminum nostrum.

Die 2 Octobris
SS. ANGELORUM
CUSTODUM

Duplex II classis

Omnia ut in Missali hac die.

Die 6 Octobris
S. ADALBERONIS
EPISCOPI ET CONF.

Duplex majus

Missa Sacerdotes tui, de Communi Confessoris Pontificis 2 loco, praeter Orationes sequentes:

Oratio P

Propitiare, quæsumus, Dómine, nobis famulis tuis per beati Adalberonis Episcopi et Confessoris tui mérita gloriosa: ut, ejus pia intercessione, ab omnibus semper protegámur adversis. Per Dóminum nostrum Jesum Christum, Filium tuum: Qui tecum vivit et regnat.

Et fit Commemoratio S. Brunonis Conf.:

Oratio

Sancti Brunonis Confessoris tui, quæsumus, Dómine, intercessiōnibus adjuvémur: ut, qui maiestatem tuam gráviter delinquendo offendimus, ejus méritis et precibus, nostrorum delictorum veniam consequámur. Per Dóminum nostrum Jesum Christum, Filium tuum: Qui tecum vivit et regnat in unitate Spiritus.

Secreta

P

Suscípiat cleméntia tua, quásimus, Dómine, de mánibus nostris munus oblátum: et per beáti Adalberónis Episcopi et Confessóris tui orationes et mérita, ab ómnibus nos mundet peccátis. Per Dóminum nostrum.

Pro S. Brunone

Secreta

Laudis tibi, Dómine, hóstias immolámus in tuórum commemo- ratiónē Sanctórum: quibus nos et præsentibus éxui malis confídi- mus et futúris. Per Dóminum nostrum.

Postcommunio

P

Divinis, Dómine, pasti mysté- riis, quæ pro beáti Adalberónis Episcopi et Confessóris tui veneratióne tuæ obtúlimus maje- státi: quásimus; ut per ea vé- niám peccatórum mereámur accípere, et ad cælestia gáudia pervenire. Per Dóminum.

Pro S. Brunone

Postcommunio

Quásimus, omnípotens Deus: ut, qui cælestia aliménta percépi- mus, intercedénte beáto Brunó- ne Confessóre tuo, per hæc con- tra ómnia advérsa muniámur. Per Dóminum nostrum.

F Missæ privatæ dici possunt, juxta Rubricas, etiam de S. Bru-

none Conf., ut in Missali hac die, cum Commemoratione S. Adal- beronis.

Die 12 Octobris

S. MAXIMILIANI
EPISCOPI ET MARTYRIS
PATRONI PRINCIPALIS
DICECESISDuplex I classis
cum Octava communi

Introitus Dan. 3, 84 et 87

SACERDOTES Dei, benedi- cite Dóminum: sancti et hú- miles corde, laudáte Deum. **Ibid., 57** Benedicite, ómnia ópe- ra Dómini, Dómino: laudáte et superexaltáte eum in sǽcula. **V.** Glória Patri.

Oratio

Deus, qui nos beáti Maximiliáni Mártyris tui atque Pontíficis ánnua sollemnítate lætificas: concéde propítius; ut, cujus natalítia cólimus, de ejúsdem étiam protectione gaudeámus. Per Dóminum nostrum.

In Missis votivis dicitur sequens

Oratio

Deus, qui nos beáti Maximiliáni Mártyris tui atque Pontíficis com- memoratióne lætificas: concéde propítius; ut, cujus memóriam cólimus, de ejúsdem étiam pro- tectione gaudeámus. Per Dómi- num nostrum.

Léctio Epistolæ beati Pauli
Apóstoli ad Corinthios

2 Cor. 1, 3-7

Fratres: Benedictus Deus et Pa-
ter Dómini nostri Jesu Christi,
Pater misericordiarum, et Deus
totius consolatiónis, qui consolá-
tur nos in omni tribulatióne no-
stra: ut possímus et ipsi consolári
eos, qui in omni pressúra sunt,
per exhortatióne, qua exhortá-
mur et ipsi a Deo. Quóniam sicut
abúndant passiónes Christi in no-
bis: ita et per Christum abúndat
consolatio nostra. Sive autem tri-
bulámur pro vestra exhortatióne
et salúte, sive consolámur pro
vestra consolatióne, sive exhor-
támur pro vestra exhortatióne et
salúte, quæ operátur tolerántiam
earúndem passiónum, quas et
nos pátimur: ut spes nostra firma-
sit pro vobis: sciéntes, quod, sic
ut sóci passiónum estis, sic éri-
tis et consolatiónis: in Christo
Jesu, Dómino nostro.

Graduale Ps. 8, 6-7

Glória et honore coronásti eum.
¶ Et constituisti eum super ópera
mánuum tuárum, Dómine.

Allelúja, allelúja. ¶ Hic est Sa-
cérdos, quem coronávit Dómi-
nus. Allelúja.

In Missis votivis post Septua-
gesimam, omissis Allelúja et
Versu sequenti, dicitur

Tractus Ps. 111, 1-3

Beátus vir, qui timet Dóminum:
in mandátis ejus cupit nimis. ¶
Potens in terra erit semen ejus:
generatio rectórum benedicétur.
¶ Glória et divitiæ in domo ejus:
et justitia ejus manet in sǽculum
sǽculi.

 Sequéntia sancti Evangélii
secúndum Lucam

Luc. 14, 26-33

In illo témpore: Dixit Jesus tur-
bis: Si quis venit ad me, et non
odit patrem suum, et matrem, et
uxórem, et filios, et fratres, et so-
róres, adhuc autem et ániam su-
am, non potest meus esse discí-
pulus. Et qui non bájulat crucem
suam, et venit post me, non pot-
est meus esse discípulus. Quis enim
ex vobis volens turrim ædi-
ficáre, non prius sedens cómputat
sumptus, qui necessárii sunt, si
hábeat ad perficiéndum; ne, post-
équam posuerit fundaméntum,
et non potuerit perficere, omnes,
qui vident, incipiunt illúdere ei,
dicéntes: Quia hic homo cœpit
ædificáre, et non pótuit consum-
máre? Aut quis rex iturus com-
mittere bellum advérsus álium
regem, non sedens prius cōgitat,
si possit cum decem millibus oc-
cúrrere ei, qui cum viginti milli-
bus venit ad se? Alióquin, adhuc
illo longe agénte, legatióne mit-

tens, rogat ea, quæ pacis sunt. Sic ergo omnis ex vobis, qui non renúntiat ómnibus, quæ pòssidet, non potest meus esse discípulus. Credo, **per totam Octavam.**

Offertorium Ps. 88, 21-22

Invéni David servum meum, óleo sancto meo unxi eum: manus enim mea auxiliábitur ei, et brácchium meum confortábit eum.

Secreta

Múnera tibi, Dómine, dicáta sanctifica: et, intercedénte beáto Maximiliáno Mártyre tuo atque Pontífice, per éadem nos placátus inténde. Per Dóminum nostrum Jesum Christum, Fílium tuum: Qui tecum vivit et regnat.

Communio Ps. 20, 4

Posuísti, Dómine, in cápite ejus corónam de lápide pretiósos.

Postcommunio

Hæc nos commúnio, Dómine, purget a crímine: et, intercedénte beáto Maximiliáno Mártyre tuo atque Pontífice, cælestis remédii fáciat esse consórtes. Per Dóminum nostrum Jesum Christum, Fílium tuum: Qui tecum vivit et regnat.

F Pro votiva Tempore Paschali dicitur Missa Protexisti, de Communi Martyrum Tempore Paschali 1 loco cum Orationibus 2 loco positis.

Die 16 Octobris

In Ecclesiis consecratis, excepta Cathedrali:

IN DEDICATIONE ECCLESIARUM CON- SECRATARUM DICECESIS

Duplex I classis
cum Octava communi

Missa Terribilis, de Communi
Dedicationis Ecclesiæ.

Et, in Missis privatis tantum, fit
Commemoratio S. Hedwigis Vi-
duæ, ut in Missali hac die.

Et dicitur Credo per totam Octa-
vam.

Die 19 Octobris

IN OCTAVA S. MAXIMILIANI EPISCOPI ET MART.

Duplex majus

Missa ut supra in Festo.

Et fit Commemoratio S. Petri de
Alcantara Conf.:

Oratio

Deus, qui beátum Petrum Con-
fessórem tuum admirábilis pæ-
niténtiæ et altissimæ contempla-
tionis múnere illustráre digná-
tus es: da nobis, quæsumus; ut,
ejus suffragántibus méritis, carne
mortificáti, facilius cælestia ca-
piámus. Per Dóminum.

Deinde, in Ecclesiis consecratis,
excepta Cathedrali, Commemo-
ratio Octavæ Dedicationis.

Festa Octobris (21, 22, 23, 29)

Pro S. Petro

Secreta

Præsta nobis, quæsumus, omnipotens Deus: ut nostræ humilitatis oblatio et pro tuorum tibi grata sit honore Sanctorum, et nos corpore pàriter et mente purificet. Per Dóminum nostrum.

Pro S. Petro Postcommunio

Quæsumus, omnipotens Deus: ut, qui cælestia aliménta percépimus, intercedénte beato Petro Confessore tuo, per hæc contra ómnia advérsa muniámur. Per Dóminum nostrum.

¶ Missæ privatæ dici possunt, juxta Rubricas, etiam de S. Petro de Alcantara Conf., ut in Missali hac die, cum Commemoratione diei Octavæ S. Maximiliani et, in Ecclesiis consecratis, excepta Cathedrali, Octavæ Dedicationis, et in omnibus Ecclesiis dicitur Credo, ratione Octavæ S. Maximiliani.

Die 21 Octobris

In Ecclesiis, ut supra:

**DE VI DIE INFRA
OCTAVAM DEDICATIONIS
ECCLESIARUM CONSECRATARUM DICECESIS**

Semiduplex

Missa Terribilis, ut in Festo.
Et fit Commemoratio S. Hilarionis Abbatis ac Ss. Ursulæ et Soc. Virginum et Martyrum, ut in Missali hac die.

19*

Die 22 Octobris

In Ecclesiis, ut supra:

**DE VII DIE INFRA
OCTAVAM DEDICATIONIS
ECCLESIARUM CONSECRATARUM DICECESIS**

Semiduplex

Missa Terribilis, ut in Festo, cum 2^a Oratione de S. Maria Concéde, et 3^a contra persecutores Ecclesiæ vel pro Papa.

Die 23 Octobris

In Ecclesiis, ut supra:

**IN OCTAVA DEDICATIONIS
ECCLESIARUM CONSECRATARUM DICECESIS**

Duplex majus

Missa Terribilis, ut in Festo.

Die 29 Octobris

**S. VALENTINI
EPISCOPI ET CONF.**

Duplex

Missa Státuit, de Communi Confessoris Pontificis 1 loco, præter Orationem sequentem:

Oratio

P

Propitiáre, quæsumus, Dómine, nobis fámulis tuis per beáti Valentini Confessoris tui atque Pontificis mérita gloriósa: ut, ejus pia intercessióne, ab ómnibus protegámur advérsis. Per Dñm.

Secreta

C

Sancti tui, quæsumus, Dómine,
nos ubique lætificant: ut, dum
eórum mérita recólimus, patro-
cínia sentiámus. Per Dóminum.

Postcommunio

C

Præsta, quæsumus, omnipotens
Deus: ut, de percéptis muné-
ribus grátias exhibéntes, interce-
dente beáto Valentino Confes-
sóre tuo atque Pontífice, benefí-
cia potióra sumámus. Per Dñm.

Die 31 Octobris

S. WOLFGANGI
EPISCOPI ET CONF.**Duplex majus**

**Missa Sacerdótes tui, de Com-
muni Confessoris Pontificis 2 lo-
co, præter Orationem sequentem:**

Oratio

P

Deus, qui nobis ætérnæ salútis
beátum Wolfgángum Epí-
scopum místrum tribuísti: præ-
sta, quæsumus; ut, quem doctó-
rem vitæ habúimus in terris, in-
tercessórem habére mereámur in
cælis. Per Dóminum nostrum.

**Et, in Missis non conventionalibus,
fit Commemoratio Vigiliæ Om-
nium Sanctorum:**

Oratio

Dómine, Deus noster, multíplica
super nos grátiam tuam: et, quo-
rum prævenimus gloriósa sol-

lémnia, tríbue súbsequi in sancta
professióne lætitiam. Per Dómi-
num nostrum.

Secreta

C

Sancti Wolfgángi Confessóris
tui atque Pontificis, quæsu-
mus, Dómine, ánnua sollémnitas
pietati tuæ nos reddat accéptos:
ut, per hæc piæ placatiónis offi-
cia, et illum beáta retribútio co-
mitétur, et nobis grátiae tuæ dona
conciliet. Per Dóminum.

**Pro Vigilia Omníum Sanctorum
Secreta**

Altáre tuum, Dómine, munéribus
cumulámus oblátis: da, quæsu-
mus; ut ad salútem nostram, óm-
nium Sanctórum tuórum preca-
tióne, proficiant, quorum sollémn-
ia ventúra præcúrrimus. Per
Dóminum nostrum.

Postcommunio

C

Deus, fidélium remunerátor
animárum: præsta; ut beáti
Wolfgángi Confessóris tui atque
Pontificis, cuius venerándam ce-
lebrámus festivitátem, précibus
indulgéntiam consequámur. Per
Dóminum nostrum.

**Pro Vigilia Omníum Sanctorum
Postcommunio**

Sacraméntis, Dómine, et gáudiis
optátæ celebritatis explétis: quæ-
sumus; ut eórum précibus adju-
vémur, quorum recordatióibus
exhibéntur. Per Dóminum.

Festa Novembris (5, 6)

In fine legitur sequens Evangelium Vigiliæ, juxta Rubricas:

H Sequéntia sancti Evangélii secúndum Lucam

Luc. 6, 17-23

In illo témpore: Descéndens Iesus de monte, stetit in loco campéstri, et turba discipulórum ejus, et multitúdo copiosa plebis ab omni Judæa, et Jerúsalem, et marítima, et Tyri, et Sidónis, qui vénérant, ut audirent eum et sanaréntur a languóribus suis. Et, qui vexabántur a spirítibus immúndis, curabántur. Et omnis turba quærébat eum tágere: quia virtus de illo exibat, et sanábat omnes. Et ipse, elevátis óculis in discípulos suos, dicébat: Beáti, páuperes: quia vestrum est regnum Dei. Beáti, qui nunc esuritis: quia saturabímini. Beáti, qui nunc fletis: quia ridébitis. Beáti éritis, cum vos óderint hómines, et cum separáverint vos et exprobráverint, et ejécerint nomen vestrum tamquam malum, propter Filium hóminis. Gaudéte in illa die et exsultáte: ecce enim, merces vestra multa est in cælo.

¶ Missæ privatæ dici possunt, juxta Rubricas, etiam de Vigilia Omníum Sanctorum, ut in Missali hac die, cum Commemoratione S. Wolfgangi.

21*

Die 5 Novembris
SACRARUM RELIQUIARUM
quæ in Ecclesiis Diœcesis
asservantur

Duplex

Missa Multæ tribulatiónes, ut inter Festa pro aliquibus locis.
Et fit Commemoratio Octavæ Omníum Sanctorum, ac dicitur Credo, ratione ejusdem Octavæ.

Die 6 Novembris
S. LEONARDI CONF.

Duplex

Missa Justus, de Communi Conf. non Pont. 2 loco.

Oratio C

A désto, Dómine, supplicatióni-
bus nostris, quas in beáti Leonárdi Confessóris tui sollem-
nitáte deférimus: ut, qui nostræ justitiæ fidúciam non habémus,
ejus, qui tibi plácuit, prémibus ad-
juvémur. Per Dóminum.

Et fit Commemoratio Octavæ Omníum Sanctorum:

Oratio

Omnípotens sempitérne Deus,
qui nos ómniū Sanctórum tuó-
rum mérita sub una tribuisti ce-
lebritáte venerári: quæsumus; ut
desiderátam nobis tuæ propitia-
tiónis abundántiam, multiplicátis
intercessóribus, largiáris. Per
Dóminum nostrum.

Credo, ratione Octavæ.

Secreta

C

Præsta nobis, quæsumus, omni-potens Deus: ut nostræ humilitatis oblatio et pro tuorum tibi grata sit honore Sanctorum, et nos corpore pâriter et mente purificet. Per Dóminum nostrum.

**Pro Octava
Omnium Sanctorum
Secreta**

Múnera tibi, Dómine, nostræ devotionis offérimus: quæ et pro cunctorum tibi grata sint honore Justorum, et nobis salutaria, te miserante, reddántur. Per Dóminum nostrum Jesum Christum, Filium tuum: Qui tecum.

Postcommunio

C

Quæsumus, omnipotens Deus: Ut, qui cælestia aliménta percépimus, intercedénte beato Leonárdo Confessore tuo, per hæc contra ómnia advérsa muníamur. Per Dóminum nostrum Jesum Christum, Filium tuum: Qui tecum vivit et regnat.

**Pro Octava
Omnium Sanctorum
Postcommunio**

Da, quæsumus, Dómine, fidélibus pópolis ómniū Sanctórum semper veneratiōne létari: et eorum perpétua supplicatiōne muníri. Per Dóminum nostrum Jesum Christum, Filium tuum: Qui tecum vivit et regnat.

Die 15 Novembris

**S. LEOPOLDI MARCHIONIS
CONFESSORIS
PATRONI PRINCIPALIS
AUSTRIÆ**

**Duplex I classis
cum Octava communi**

Introitus Ps. 36, 30-31

Os justi meditábitur sapientiam, et lingua ejus loquétur judicium: lex Dei ejus in corde ipsius. **Ps. ibid., 1** Noli æmulári in malignántibus: neque zeláveris facientes iniquitatem. **V.** Glória Patri.

Oratio

Deus, qui beatum Leopoldum a sæculi curis ad cælestem gloriā traduxisti: concéde, quæsumus; ita nos per hæc temporalia pertransire, ut ætérnæ vitæ consórtia mereámur. Per Dóminum nostrum.

**Léctio libri Sapiéntiæ
Eccli. 31, 8-11**

Beatus vir, qui invéntus est sine mácula, et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória ætérna: qui pótuit tránsgressi, et non est transgréssus: fácere mala, et non fecit: ideo stabilita sunt bona illius in Dómino, et eleemó-

Die 15 Novembris

S. LEOPOLDI

CONF., MARCHIONIS ET PATRONI AUSTRIÆ PRIMARII

Duplex I classis

Introitus Ps. 111, 7-8

IN memória ætérna erit justus, ab auditiōne mala non timébit. **Ps. ibid.**, 1
Beatus vir, qui timet Dóminum: in mandátis ejus volet nimis.
V. Glória Patri.

Oratio

Deus, qui beátum Leopoldum a sǽculi curis ad cælestem glóriam traduxísti: concéde, quæsumus; ita nos per hæc temporália transíre, ut ætérnæ vitæ consórtia mereámur. Per Dóminum.

In ejusdem Translatione dicitur sequens:

Oratio

Deus, qui sanctum Leopoldum, cuius translatiōnem ánnua celebritáte recólimus, ex principátu et curis sǽculi hujus immaculátum ad regnum cælestè traduxísti: concéde propítius; tua cleméntia ita nos per hæc temporália dírigi, ut ætérnæ vitæ consórtes éffici mereámur. Per Dóminum nostrum.

Léctio libri Sapiéntiæ

Prov. 3, 13-20

Beatùs homo, qui ínvenit sapiéntiam, et qui áffluit prudéntia. Mélior est acquisítio ejus negotiatiōne argénti, et auri primi et puríssimi fructus ejus. Pretiósior est cunctis ópibus, et ómnia, quæ desiderántur, huic non valent comparári. Longitúdo diérum in déxtera ejus, et in sinistra illíus divítiae et glória. Viæ ejus viæ pulchræ, et omnes sémitæ illíus pací-

ficæ. Lignum vitæ est his, qui apprehénderint eam: et qui tenúerit eam, beátus. Dóminus sapiéntia fundávit terram, stabilívit cælos prudéntia. Sapiéntia illíus erupérunt abýssi, et nubes rore concréscunt.

Graduale

Malach. 2, 6 et Ps. 14, 1

Lex veritatis fuit in corde ipsius, et iniquitas non est invénta in lábiis ejus. **V.** In pace et æquitáte ambulávit, et in monte sancto Dómini in ætérnum requiéscet.

Allelúja, allelúja. **V.** Gáudeat ergo terra Austriæ tanti príncipis Leopoldi sublimáta triúmpho. Allelúja.

Post Septuagesimam, omissis Allelúja et Versu sequenti dicitur

Tractus Ps. 111, 1-3

Beatus vir, qui timet Dóminum: in mandátis ejus cupit nimis. **V.** Potens in terra erit semen ejus: generátió rectórum benedicétur. **V.** Glória et divítiae in domo ejus: et justitia ejus manet in sǽculum sǽculi.

 Sequéntia sancti Evangélii secúndum Lucam

Luc. 19, 12-26

In illo témpore: Dixit Jesus discípulis suis parábolam hanc: Homo quidam nóbilis ábiit in régionem longínquam accípere sibi regnum, et revérti. Vocátis autem decem servis suis, dedit eis decem mnas, et ait ad illos: Negotiámini, dum

Die 15 Novembris S. Leopoldi Conf.

vénio. Cives autem ejus óderant eum: et misérunt legatióne post illum, dicéntes: Nólumus hunc regnáre super nos. Et factum est, ut redíret accépto regno: et jussit vocári servos, quibus dedit pecúniam, ut sciret, quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuísti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui repósitam in sudário: tímui enim te, quia homo austérus es: tollis, quod non posuísti, et metis, quod non seminásti. Dicit ei: De ore tuo te júdico, serve nequam. Sciébas, quod ego homo austérus sum, tollens, quod non pósui, et metens, quod non seminávi: et quare non dedísti pecúniam meam ad mensam, ut et ego véniens cum usúris útique exegísssem illam? Et astántibus dixit: Auférte ab illo mnam, et date illi, qui decem mnas habet. Et dixérunt ei: Dómine, habet decem mnas. Dico autem vobis: Quia omni hábenti dábitur, et abundábit: ab eo autem, qui non habet, et quod habet, auferétur ab eo. Credo.

Offertorium Eccli. 47, 9 et 10

Dedit Dóminus confessiónem sancto suo,
qui de omni corde suo laudávit eum; et
diléxit Deum, qui fecit eum.

Secreta

Múnera, Dómine, obláta sanctifica:
et, intercedénte beáto Leopólido
Confessóre tuo, a peccatórum nostrórum
néxibus nos absólvere dignéris. Per Dó-
minum nostrum.

In Translatione

Secreta

Hóstiam tibi, Dómine, laudis offérimus:
ut beáti Leopoldi Confessóris tui méritis
adjuvémur; et ab ómnibus adversitatibus
liberémur. Per Dóminum nostrum.

Communio Ps. 111, 3

Glória et divítiae in domo ejus: et justitia
ejus manet in sáculum sáculi.

Postcommunio

Deus, qui beátum Leopoldum Con-
fessórem tuum mirificásti in terris,
et gloriósum in cælis fecísti: eúndem,
quásumus, Ecclésiæ tuæ constitue de-
fensórem. Per Dóminum nostrum.

In Translatione

Postcommunio

Súpplices te rogámus, omnípotens Deus:
ut, sicut nos beáti Leopoldi sollemnitáte
lætíficas, ita ejus pia intercessióne custó-
dias. Per Dóminum nostrum.

APPROBATIO

Concordat cum originali approbato.

Vindobonæ, die 10 Januarii 1956

De mandato Vte. Capitularis:

JOSEPH STREIDT

IMPRIMATUR.

Ratisbonæ, die 19 Januarii 1956

*v. n.
JOSEPH MEINDL*

eynas illius enarrábit omnis ecclésia sanctórum.

Graduale Ps. 91, 13 et 14

Sustus ut palma florébit: sicut cedrus Libani multiplicábitur in domo Dómini. **V. Ibid., 3** Ad annuntiandum mane misericórdiam tuam, et veritátem tuam per noctem.

Allelúja, allelúja. **V. Jac. 1, 12**
Beátus vir, qui suffert tentatiórem: quóniam, cum probátus fuerit, accípiet corónam vitæ. Allelúja..

In Missis votivis post Septuagesima m, omissis Allelúja et Versu sequenti, dicitur

Tractus Ps. 111, 1-3

Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generáatio rectórum benedicétur. **V.** Glória et divítiae in domo ejus: et justitia ejus manet in sǽculum sǽculi.

Tempore autem Paschali omittitur Graduale, et ejus loco dicitur:

Allelúja, allelúja. **V. Jac. 1, 12**
Beátus vir, qui suffert tentatiórem: quóniam, cum probátus fuerit, accípiet corónam vitæ. Allelúja. **V. Eccli. 45, 9** Amávit eum Dóminus et ornávit eum: stolam glóriæ induit eum. Allelúja.

 Sequéntia sancti Evangélii secúndum Lucam

Luc. 19, 12-26

In illo témpore: Dixit Jesus discípulis suis parábolam hanc: Homo quidam nóbilis ábiit in régionem longinquam accipere sibi regnum, et revérti. Vocatis autem decem servis suis, dedit eis decem mnas, et ait ad illos: Negotiámini, dum vénio. Cives autem ejus óderant eum: et misérunt legatiómem post illum, dicéntes: Nólumus hunc regnare super nos. Et factum est, ut rediret accépto regno: et jussit vocári seruos, quibus dedit pecúniam, ut sciret, quantum quisque negotiátus esset. Venit autem primus, dicens: Dómine, mna tua decem mnas acquisívit. Et ait illi: Euge, bone serve, quia in módico fuisti fidélis, eris potestátem habens super decem civitátes. Et alter venit, dicens: Dómine, mna tua fecit quinque mnas. Et huic ait: Et tu esto super quinque civitátes. Et alter venit, dicens: Dómine, ecce mna tua, quam hábui re pósitam in sudário: tímui enim te, quia homo austérus es: tollis, quod non posuísti, et metis, quod non seminásti. Dicit ei: De ore tuo te júdico, serve nequam. Sciébas, quod ego homo austérus sum, tollens, quod non pósui, et metens, quod non seminávi: et

quare non dedisti pecúniam meam ad mensam, ut ego véniens cum usúris útique exegissem illam? Et astántibus dixit: Auférte ab illo mnám et date illi, qui decem mnás habet. Et dixerunt ei: Dómine, habet decem mnás. Dico autem vobis: Quia omni habénti dábitur, et abundábit: ab eo autem, qui non habet, et, quod habet, auferétur ab eo.

Credo, per totam Octavam.

Offertorium Ps. 88, 25

Véritas mea et misericórdia mea cum ipso: et in nómine meo exaltábitur cornu ejus.

Secreta

Laudis tibi, Dómine, hóstias imolámus in tuórum commemo-
ratio-
ne Sanctórum: quibus nos et præséntibus éxui malis confidimus et futúris. Per Dómi-
num nostrum.

Communio Matth. 24, 46-47

Beátus servus, quem, cum véne-
rit dóminus, invénerit vigilántem:
amen, dico vobis, super ómnia bona sua constituet eum.

Postcommunio

Refécti cibo potúque cælesti,
Deus noster, te súpplices exorámus: ut, in cuius hæc commemo-
ratio-
ne percépimus, ejus muníamur et précibus. Per Dómi-
num nostrum.

Die 17 Novembris

S. ALBERTI MAGNI
EP., CONF. ET ECCL. DOCT.
Duplex

(dies assignatus e 15 Nov.)

Omnia ut in Missali die 15 Nov.
Et fit Commemoratio S. Gregorii Thaumaturgi Ep. et Conf., ut in Missali hac die, et Octavæ S. Leopoldi.

¶ Missæ privatæ dici possunt, juxta Rubricas, etiam de S. Gre-
gorio Thaumaturgo Ep. et Conf., ut in Missali hac die, cum Com-
memoratione S. Alberti ac Octa-
væ S. Leopoldi, et dicitur Credo, ratione ejusdem Octavæ.

Die 22 Novembris

IN OCTAVA S. LEOPOLDI
CONFESSORIS

Duplex majus

Missa ut supra in Festo.

Et fit Commemoratio S. Cæciliæ Virg. et Mart.:

Oratio

Deus, qui nos ánnua beátæ Cæ-
ciliæ Virginis et Mártyris tuæ sollempnité lætificas: da, ut, quam venerámur officio, etiam piæ conversationis sequámur ex-
émplo. Per Dóminum nostrum Jesum Christum, Filium tuum:
Qui tecum vivit et regnat.

**Pro S. Cæcilia
Secreta**

Hæc hóstia, Dómine, placatiōnis et laudis, quæsumus: ut, intercedénte beáta Cæcilia Virgine et Mártyre tua, nos propitiatiōne tua dignos semper efficiat. Per Dóminum nostrum Jesum Christum, Filium tuum: Qui tecum vivit et regnat.

**Pro S. Cæcilia
Postcommunio**

Satiásti, Dómine, familiam tuam munéribus sacris: ejus, quæsumus, semper interventiōne nos réfove, cujus sollémnia celebrámus. Per Dóminum nostrum Je-sum Christum, Filium tuum: Qui tecum vivit et regnat.

J Missæ privatæ dici possunt, juxta Rubricas, etiam de S. Cæcilia Virg. et Mart., ut in Missali hac die, cum Commemoratione diei Octavæ S. Leopoldi et dicitur Credo, ratione ejusdem Octavæ.

Die 27 Novembris

S. VIRGILII
EPISCOPI ET CONF.

Simplex

Missa Státuit, de Communi Con-fessoris Pontificis 1 loco.

Oratio C

Da, quæsumus, omnípotens Deus: ut beáti Virgilii Confessóris tui atque Pontíficis veneranda sollémnitas, et devotiónem nobis áugeat et salútem. Per Dóminum nostrum.

Secreta C

Sancti tui, quæsumus, Dómine, nos ubique lætificant: ut, dum eórum mérita recólimus, patroci-nia sentiámus. Per Dóminum.

Postcommunio C

Præsta, quæsumus, omnípotens Deus: ut, de percéptis munéribus grátias exhibéntes, intercedénte beáto Virgilio Confessóre tuo atque Pontifice, beneficia potiéra sumámus. Per Dóminum.

PRO COMMEMORATIONE OCTAVARUM PROPRIARUM DIOCESES LINCIENSIS

I

PRO OCTAVA S. MAXIMILIANI EPISCOPI ET MARTYRIS

Oratio

Deus, qui nos beáti Maximiliáni Mártyris tui atque Pontificis ánnua sollemnitáte létificas: concéde propítius; ut, cujus natalitia cólimus, de ejúsdem étiam protectione gaudeámus. Per Dóminum nostrum.

Secreta

Múnera tibi, Dómine, dicáta sanctifica: et, intercedénte beáto Maximiliáno Mártyre tuo atque Pontifice, per éadem nos placá tus inténde. Per Dóminum.

Postcommunio

Hæc nos commúnio, Dómine, purget a crímine: et, intercedénte beáto Maximiliáno Mártyre tuo atque Pontifice, cælestis remédii fáciat esse consórtes. Per Dñm.

II

PRO OCTAVA S. LEOPOLDI CONFESSORIS

Oratio

Deus, qui beátum Leopoldum a sæculi curis ad cælestem glóriam traduxisti: concéde, quæsumus; ita nos per hæc temporália per transire, ut æternæ vitæ consórtia mereámur. Per Dóminum nostrum.

Secreta

Laudis tibi, Dómine, hóstias im molamus in tuórum commemora tione Sanctórum: quibus nos et præsentibus exui malis confidi mus et futúris. Per Dóminum.

Postcommunio

Refécti cibo potúque cælesti, Deus noster, te súpplices exoramus: ut, in cujus hæc commemo ratione percépimus, ejus muniá mur et præcibus. Per Dóminum.



INDEX ALPHABETICUS

Adalberonis Ep. et Conf., duplex majus. 6 Octobris	15*	Leopoldi Marchionis Conf., Patroni principalis Austriae, dupl. I cl. cum Octava communi. 15 Novembris	22*
Alberti Magni Ep., Conf. et Eccl. Doct., dupl. 17 Nov.	24*	— — Octava, duplex majus. 22 Novembris	24*
Altmanni Ep. et Conf., duplex majus. 8 Augusti	9*	Mariæ B. V., Conceptio immaculata, Titularis Ecclesiæ Cathedralis, duplex I classis cum Octava communi. 8 Decembris	1*
Angelorum Custodum, duplex II classis. 2 Octobris	15*	— — Nominis Ssmi, duplex II classis. 12 Septembris	11*
Bertholdi Abbatis, duplex. 27 Julii	8*	Maximiliani Ep. et Mart., Patroni principalis Diœcesis,	
Clementis Mariæ Hofbauer Conf., duplex. 15 Martii	1*	dupl. I cl. cum Octava communi. 12 Octobris	16*
Conradi a Parzham Conf., duplex. 20 Aprilis	3*	— — Octava, duplex majus. 19 Octobris	18*
Dedicatio Ecclesiæ Cathedralis, duplex I classis cum Octava communi. 29 Aprilis	3*	Nicolai de Flüe Eremitæ et Conf., duplex. 25 Septembris	14*
— — Octava, duplex majus. 6 Maii	4*	Notburgæ Virg., duplex. 13 Septembris	11*
Dedicatio Ecclesiarum consecratarum Diœcesis, duplex I classis cum Octava communi. 16 Octobris	18*	Reliquiarum Sacrarum, duplex. 5 Novembris	21*
— — VI dies infra Oct., semiduplex. 21 Octobris	19*	Ruperti Ep. et Conf., duplex. 27 Martii	2*
— — VII dies infra Oct., semiduplex. 22 Octobris	19*	Severini Abbatis, Compatroni principalis Diœcesis,	
— — Octava, duplex majus. 23 Octobris	19*	duplex I classis. 8 Januarii	1*
Floriani Mart., Patroni minus principalis Austriae Superioris, duplex II classis. 4 Maji	3*	Valentini Ep. et Conf., duplex. 29 Octobris	19*
Hemmæ Viduæ, duplex. 27 Junii	6*	Virgilii Ep. et Conf., simplex. 27 Novembris	25*
Hildegardis Virg., duplex. 17 Septembris	11*	Wolfgangi Ep. et Conf., duplex majus. 31 Octobris	20*
Joannis a Capistrano Conf., duplex. 28 Martii	3*	Pro Commemoratione Octavarum propriarum Diœcesis	
Joannis Nepomuceni Mart., duplex. 16 Maii	4*	Linciensis	26*
Leonardi Confessoris, duplex. 6 Novembris	21*		

APPROBATIO

Concordat cum originalibus approbatis.

Lincii, die 3 mensis Januarii anni MCMLV

L. † S.

FERDINANDUS WEINBERGER

Vic. gen.

IMPRIMATUR.

Ratisbonæ, die 18 Januarii 1955

J. BALDAUF

Vic. gen.

Ratisbonæ, sumptibus et typis Friderici Pustet
Printed in Germany